

# Græcia.

562

Regio.  
Nomina.  
Situs.

Cali temperies.  
Soli fertilitas.  
Imperium Ma-  
jorum.

Urbes.

Flumina.

**G**racia sequitur Europæ nobilissima regio, totiusque eruditionis fons & Mater. Incolis *Hellas* dicebatur. Qui vero hodie eam habitant eam *Romechi*, Turci *Haromeli* nominant. *Rumelia* est Leunclavius: Septuaginta interpretibus *Phobel*, & *Javam*. *Graciam* autem non semper omnes iisdem terminis circumscribunt. Proprie ab Isthmo Thessaliam usque extenditur, & ab Epiro Amne Acheloo discescitur: Ortum versus habet Mare *Ægæum*: atque hæc proprie est *Hellas*. Hoc est quod Plinius aliquoties innuit: *Ab Isthmi*, inquit, *angustijs Hellas incipit*. Et rursus: *Angusta cervice Peloponnesum contingit Hellas*. Interdum etiam Peloponnesus & Thessalia Græciæ notione comprehenduntur. Ita L. *Æmilius Paulus* quum circumiret Græciā, per Thessaliam Delphos petijt, inde Lebadiam, tum Chalcidem, postea Aulidem, inde Athenas; altero die Corinthum, tum Sicyonem, Argos, Epidaurum, Lacedæmonem, Megalopolim, Olympiam: Ita peragrata Græcia redijt Amphipolim. *Homerus* solos *Phiotas* vocat *Hellenas*. *Herodotus* inter *Hellenas* & *Pelasgos* discrimen facit. Hodie vero Græciam vocamus tractum omnem qui ad Occidentem Jonio mari adluitur, ad Meridiem Libyco: ad Ortum *Ægæo*: ad Septentrionem vero montibus a Thracia, Mysia, Dalmatiaque separatur. Regio hæc præstabat olim reliquis Europæ Cœli temperie, ac benignitate: Frugum omnium fertilitate, Armentorumque omnis generis copia. Hæc illa est regio, quæ fama, quæ gloria, quæ doctrina, quæ plurimis artibus, quæ etiam imperio & bellica laude diu floruit. Libera primum, sed dum Imperium in socios affectat, serva. Itaque eam primum *Cyrus*, postea *Xerxes*, alijque *Persarum Reges* vexaverunt. Subjecere eam sibi inde *Macedones*: tum *Perseo* devicto *Romani*; quorum imperio diviso cessit tota *Constantinopolitana*, donec *Gothi*, *Bulgari*, *Saraceni* eam deprædati sunt, & *Turca* postremum in miseram servitutem omnem redegit, exceptis quibusdam Insulis quæ *Venero* parent, *Corcyra* scilicet, *Cephalenia*, *Zacyntho*, *Creta*, alijsque minoribus. Superbivit olim Græcia multis urbibus florentissimis: *Athenis*, *Lacedamone*, *Delphis*, *Argis*, *Mycenis*, *Corintho*, alijsque plurimis, quarum pleræque, ut caduca & fluxa est mortalium rerum conditio atque interitui obnoxia, prostratæ & dirutæ jacent. Flumina hic & fama & natura ingentia xxxi i numero: Ea sunt *Strymon*, *Chabrus*, *Echedorus*, *Axius*, *Erigon*, *Lydius*, *Aliacmon*, *Pharybus*, *Peneus*, *Sperchius*, *Panyassus*, *Asus*, *Lous*, *Celidnus*, *Thyamus*, *Acheron*, *Arachthus*, *Achelous*, *Evenus*, *Ilissus*, *Asopus*, *Ismenus*, *Cephisus*, *Boagrius*, *Asopus* alter, *Sus*, *Peneus*, *Alpheius*, *Selas*, *Panyssus*, *Eurotas*, *Inachus*. *Maria*, *Ionium*: nomen habet ab *Jonia*, quam regiunculam in ultimis Italiæ oris facit *Solinus*: vel ab *Jonio* Illyriorum Rege: vel ab *Ionibus*, ut censet *Archidamus*, in trajectu maris ibi submersis. *Cronium* & *Rheæ Sinus* antea dicebatur, ut antiqui Scriptores testantur: *Cræticum* ab *Creta*: Hodie *Mar di Candia*. *Carpathium*: ab Insula *Carpatho*, quæ ad Orientale *Cretæ* Promontorium, *Ægæum* dictum, ut *Festus* & alij scribunt ab *Ægæo* *Thesei* patre, qui in id se præcipitasse perhibetur: ut *Phe-recydes*,